



Alþýðusamband Íslands

Mennta- og menningarmálaráðuneytið
Sent í samráðsgátt stjórnvalda
Sölvhólgötu 4
150 Reykjavík

Reykjavík, 5. February 2021
Tilvísun: 202101-0020

Efni: Umsögn um drög að reglugerð um Menntamálastofnun

Það eru einkum þrjú atriði sem Alþýðusamband Íslands vill leggja áherslu á.

Eins og kemur fram í lögum um Menntamálastofnun þá er hlutverk hennar að vera „...stjórnsýslustofnun á sviði menntamála sem stuðla skal að auknum gæðum skólastarfs og framförum í þágu menntunar í samræmi við lög og stefnu stjórnvalda, bestu þekkingu og alþjóðleg viðmið.“ Skólastigin eru ekki tilgreind sérstaklega en gera má ráð fyrir að öll stigin fimm falli þarna undir. Þá er einnig tekið fram að stofnunin skuli „...sinna verkefnum á sviði menntamála samkvæmt lögum þessum og því sem ráðherra felur stofnuninni.“ Tryggja þarf að þjóðfélagið búi yfir góðri hæfni, hafi gott menntakerfi, sem er í senn fjölbreytt og sveigjanlegt og aðgengi allra sé tryggt. Áhersla þarf að vera á menntun alla starfsævina sem farið geti fram jöfnum höndum innan símenntunarstöðva, fyrirtækja eða í skólum þar sem samfella og samstarf mismunandi kerfa sé tryggt.

Í 8. gr. í drögum að reglugerð um Menntamálastofnun er fjallað um samstarf við stofnanir og aðila á sviði menntamála, sem er ánægjulegt. Þar segir: „Menntamálastofnun skal hafa samráð og samstarf við sveitarfélög, stofnanir, samtök og aðila sem vinna að málefnum á sviði menntamála svo og fulltrúa barna og ungmenna, sérstaklega þegar um er að ræða breytingar eða þróun á tilteknum málsefnasviðum stofnunarinnar.“ Alþýðusamband Íslands vill leggja áherslu á mikilvægi sveigjanleika milli skólastiga með aukinni samvinnu og samráði til að tryggja að ekki myndist blindgötur í menntakerfinu.

Þá er í þriðju grein laga um Menntamálastofnun fjallað um skipun sjö aðila í Ráðgjafarnefnd til fjögurra ára. Alþýðusamband Íslands saknar samráðs við vinnumarkað við skipun í nefndina og kallar eftir auknu samráði og aðkomu að ráðgjafarnefndinni.

F.h. Alþýðusambands Íslands

Þeymin Vatnadóttir

Sviðstjóri fræðslu og þekkingar